

ԱԶԴԱՐԱՐ

ՏԵՂԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ՔՈՒԷՅԹԻ ԵՒ ԱՐԱՐԱԿԱՆ ԾՈՑԻ ԵՐԿԻՐՆԵՐՈՒ ԹԵՄԻՆ
P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: q8church@yahoo.com

ՆՈՐ ՇՐՋԱՆ, 2. Տարի, Թիւ 223, Ուրբաթ, 21 ՄԱՐՏ, 2014

ՀԱՄԱՅՆՔԱՅԻՆ

ԴԱՍԱԽՕՍԱԿԱՆ ԵՐԵԿՈՅ ՔՈՒԷՅԹԻ ՄԷՋ

Հովանաւորութեամբ Քուէթի եւ Շրջակայից Թեմի Կաթողիկոսական Փոխանորդ՝ Գերապատիւ Տէր Մասիս Ծ. Վրդ. Զօպուեանի, Քուէթի Հայ Դատի յանձնախումբի կազմակերպութեամբ՝ Ուրբաթ, 14 Մարտ 2014-ին, երեկոյեան ժամը 7:30-ին, Սրբոց Վարդանանց եկեղեցոյ մէջ տեղի ունեցաւ հետաքրքրական եւ յիշատակելի դասախօսական երեկոյ մը « ԹՈՒՐԳԻՈՅ ԿՈՐՍՈՒԱԾ ՀԱՅԵՐԸ » թեմայով:




Օրուան առաջին բանախօսը, Հայ Դատի յանձնախումբի անդամ՝ պրն. Յովհաննէս Մերոբեան, նախ բարի գալուստի խօսքը փոխանցեց ներկաներուն, ապա ներկայացուց առաջին թեման՝ «ՀԱՄՇԷՆԱՀԱՅՈՒԹԵԱՆ ՊԱՏՄՈՒԹԻԻՆԸ»: Ան անդրադարձաւ համշէնահայութեան պատմութեան ուսումնասիրութեան աղբիւրներուն: Պատմական



ընդարձակ տեղեկություններով բանախօսը մանրամասնօրէն ներկայացուց համշէնահայութեան հալածանքներուն, անոնց մահմէտականացման, բնակութեան վայրերուն, մշակոյթին եւ ծիսակատարութիւններուն: Դասախօսութեան ընթացքին ցուցադրուեցաւ նաեւ համշէնահայերուն վերաբերեալ պատրաստուած տեսանիւթեր:

Օրուան երկրորդ բանախօսն էր, Հայ Դատի յանձնախումբի ատենապետ՝ պրն. Տիգրան Պայաթեան: Ան ներկայացուց

«ԹՈՒՐՔԻՈՅ ԻՍԼԱՄԱՑԱԾ ԹԱՔՈՒՆ ՀԱՅԵՐԸ» թեման: Դասախօսը անդրադարձաւ այն հայերուն մասին, որոնք, մէկ դար առաջ, իրենց ինքնութիւնը թաքուն պահելով՝ կ'ապրին Թուրքիոյ արեւելեան շրջանին մէջ, ստանձնելով թրքական եւ քրտական ինքնութիւններ: Դասախօսութիւնը պատրաստուած էր ամենայն մանրամասնութեամբ եւ վիճակագրական տուեալներով:



Դասախօսութեան ւարտին յարգելի դասախօսները պատասխանեցին տրուած հարցումներուն:

Այնուհետեւ իր հայրական խօսքը փոխանցեց Քուէյթի եւ Շրջակայից Թեմի Կաթողիկոսական Փոխանորդ՝ Գերապատիւ Տէր Մասիս Ծ. Վրդ. Զօպույեան: Ան ջերմապէս գնահատեց Հայ Դատի յանձնախումբի անդամներուն տարած աշխատանքը եւ քաջալերեց, որ նմանօրինակ դասախօսական երեկոներ յաճախ կրկնուին: Հայր Սուրբը իր խօսքին ընդմէջէն անդրադարձաւ հայութեան պայքարին, հայերուն ունեցած հզօր կամքին եւ մարտնչելու ոգիին. « Մենք հպարտ ենք, որ Տէր Զօրը տեսանք եւ Տէր Զօրը պատճառ դարձաւ, որ մենք յարութիւնն ու կեանքը ճաշակենք: Մենք ընտրեցինք կեանքը, որ յարութիւն կու տայ, ընտրեցինք զենքը, որ ազատութիւն կու տայ: Մենք ունինք մեր եկեղեցին, մեր դպրոցը եւ մեր ակումբները. հպարտութեամբ շարունակենք մեր ազգային գործունէութիւնները, որովհետեւ մեզի տրուած է կտակ մը եւ մենք այդ կտակին պաշտպանները պիտի դառնանք»:



Հուսկ, դասախօսական երեկոն փակուեցաւ «Պահպանիչ»ով:

Մարալ Համպոյեան

Մշակութային Ցուցափեղկ



Երեքշաբթի, 18 Մարտ 2014-ին, Քուեյթի Ամերիկեան Համալսարանէն ներս կազմակերպուած էր «Մշակութային Ցուցափեղկ» ձեռնարկը, ուր եօթը երկիրներու՝ Քուեյթի, Իրանի, Պաղեստինի, Սուրիոյ, Փաքիստանի, Լիբանանի, Եգիպտոսի եւ Հայաստանի ներկայացուցիչներ հանդէս եկան իրենց երկիրներու մշակոյթներէն պատահիկներով:

Հ.Օ.Մ-ի «Շաքէ» պարախումբը ներկայացաւ «Արցախ» պարով: Հայուհիները իրենց պարով Հայաստան դարձան՝ միաձուլուեցան հայկական հողին ու ջուրին եւ վեր յաննեցան իբրեւ հազարամեայ մշակոյթի կրողներ: Դահլիճը հասած էր խանդավառութեան գագաթնակէտին: Հայկական մշակոյթը դիւրած էր ներկաները ու փոխադրած Հայաստան: Հայկական մշակոյթի հզօրութիւնը ակներեւ էր:

«Շաքէ» պարախումբը գրաւեց առաջին հորիզոնականը: Կը շնորհաւորենք պարախումբի աղջիկները, պատասխանատուներն ու պարուսոյց Տիկ. Աննա Շմաւոնեանը: Յիշենք նաեւ, որ այս թեմայի մասին արագ արձագանգեց «Եռագոյն» լրատուկան կայքէջը:



Մեր սիրելի ընթերցողներուն մեծ ուրախութեամբ կը յայտարարենք թէ Քուեյթի Ազգային Առաջնորդարանի պաշտօնական կայքը էջ արդէն կը գործէ երեք օրերէ ի վեր:

www.armenianprelacykw.org

Կայքին մէջ զետեղուած են, պատմական, արխիւային նիւթեր, ազգային կեանքն ու գործունէութիւնը արտացոլող լուրեր, իրագործումներ, նաեւ արագ լրահոս:

Այս հետաքրքրական գործը կը յանձնենք ձեր ուշադրութեան:

Կը սպասենք նաեւ ձեր անդրադարձը:

ՀԱՅԿԱԿԱՆ

Նախագահ Սարգսյանի Փութինի Հետ Քննարկեց Խրիմի Հարցը

Հայաստանի նախագահ Սերժ Սարգսյանի Չորեքշաբթի օր հեռաձայնային հաղորդակցություն մը ունեցաւ Ռուսիոյ նախագահ Վլատիմիր Փութինի հետ:



Նախագահներ Սերժ Սարգսյան եւ Վլատիմիր Փութին քննարկեցին հայ-ռուսական երկկողմանի համագործակցութեան վերաբերող, ինչպէս նաեւ միջազգային եւ շրջանային օրակարգի շարք մը արդիական հարցեր, անդրադարձան Հայաստանի՝ Մաքսային միութեան միանալու որոշումէն ետք այդ ուղղութեամբ իրականացուող աշխատանքներու ընթացքին:

Նախագահները միտքեր փոխանակեցին ութրանական ճգնաժամի եւ անկէ դուրս ելլելու ուղիներուն վերաբերեալ: Այդ ծիրին մէջ գրուցակիցները անդրադարձան Խրիմի հանրաքուէի կայացումէն ետք ստեղծուած իրավիճակին եւ արձանագրեցին, որ ատիկա կը հանդիսանայ ազատ կամքի արտայայտութեան միջոցով ժողովուրդներու ինքնորոշման իրաւունքի կիրարկման հերթական օրինակը: Միաժամանակ ընդգծուեցաւ միջազգային իրաւունքի չափանիշներուն ու սկզբունքներուն, նախ եւ առաջ ՄԱԿ-ի կանոնադրութեան, նուիրուածութեան կարեւորութիւնը:

Երկու նախագահները նաեւ քննարկեցին դարաբաղեան տագնապի լուծման հոլովոյթը եւ այդ ուղղութեամբ ձեռնարկուող քայլերը: Հայաստանի նախագահը բարձր գնահատեց Ռուսիոյ գործունէութիւնը՝ իբրեւ ԵԱՀԿ-ի Մինսքի խմբակի համանախագահ երկիր եւ ընդգծեց համանախագահներու միացեալ ջանքերուն կարեւորութիւնը՝ միտուած տագնապի խաղաղ լուծման: Նախագահ Սերժ Սարգսյան վերահաստատեց Հայաստանի պատրաստակամութիւնը շարունակելու տագնապի լուծման ուղղութեամբ ԵԱՀԿ-ի Մինսքի խմբակի համանախագահներու հետ միացեալ աշխատանքը:

Չորս Ոչ Իշխանական Խմբակցութիւնները Ընդհանուր Ցայտարարի Եկան

Հայաստանի Ազգային ժողովի չորս ոչ իշխանական խմբակցութիւնները դռնփակ հերթական նիստին որոշում տուած են Հայաստանի կառավարութեան անվստահութիւն յայտնելու վերաբերեալ:

Այդ նպատակով պիտի կատարուի ստորագրահաւաք՝ կառավարութեան անվստահութիւն յայտնելու մասին նախագիծը 28 ապրիլին Ազգային ժողովի քառօրեայի օրակարգին մէջ ներառելու համար:

Որոշում տրուած է նաեւ մասնակցիլ «Դէմ եմ» քաղաքացիական նախաձեռնութեան կազմակերպած հանրահաւաքին, որ տեղի պիտի ունենայ 22 մարտին:

Կառավարությունը Երկխոսության Կը Հրաւիրէ «Դէմ Եմ Պարտադիրին» Շարժումը

Հայաստանի վարչապետ Տիգրան Սարգսեան Չորեքշաբթի օր երկխոսութեան հրաւիրեց «Դէմ եմ պարտադիրին» շարժումի անդամները՝ ընդունելով, որ պարտադիր կենսաթոշակային համակարգին վերաբերող օրէնքներուն մէջ թերութիւններ կրնան ըլլան:

«Մենք կը յայտարարենք, որ պատրաստ ենք երկխոսութեան, որովհետեւ այն դիրքորոշումը՝ կա՛մ ամէն ինչ, կա՛մ ոչինչ, անընդունելի է ինչպէս մեզի համար, նոյնպէս ալ քաղաքացիական հասարակութիւնը ներկայացնող պատասխանատու երիտասարդներուն համար», կառավարութեան նիստին ժամանակ ըսաւ վարչապետ Սարգսեան:

«Կ'ընդունինք, որ մեր օրէնքները՝ մանաւանդ ամէնէն բարդ բարեփոխումին վերաբերող օրէնքները չեն կրնար ըլլալ առանց թերութիւններու: Բնականաբար, այդ օրէնքներուն մէջ կան թերութիւններ, զորս կը մատնանշեն նաեւ մեր ընդդիմախօսները: Մենք կը յայտարարենք, որ ճիշդ ճամբան երկխոսութեան ճամբան է, եւ կը հրաւիրենք մեր երիտասարդ գործընկերները՝ «Դէմ եմ» շարժման ներկայացուցիչները այդ երկխոսութեան», աւելցուց Տիգրան Սարգսեան:

«Մեզի կ'ոգեւորէ այս երիտասարդական աշխուժութիւնը: Հասկնալի է, որ տարբեր քաղաքական ուժեր կը փորձեն օգտագործել ատիկա, բայց այն, որ երիտասարդները գերծ կը մնան խնդիրներու քաղաքականացումէն, նոյնպէս կը վկայէ այն մասին, որ այս երկխոսութիւնը խիստ կարեւոր է մեր պետութեան ապագային համար», նշեց վարչապետը: Ան յայտարարեց, որ Հայաստանի Հանրապետութեան մէջ կը ձեւաւորուի քաղաքացիական հասարակութիւն, որ կը թելադրէ իր կանոնները եւ ատիկա կը նշանակէ, որ կառավարութիւնը պետք է իր գործունէութիւնը շտկէ եւ դարձնէ այնպիսին, որ հաշուի առնուի, թէ կառավարութեան կարեւորագոյն խնդիրն է նպաստել եւ խթանել քաղաքացիական հասարակութեան կայացումը:

Մամետեարով. «Լա Հէյի Մէջ Տեղի Պիտի Ունենայ Հայաստանի Եւ Ազրպէյճանի Արտաքին Գործոց Նախարարներու Հանդիպումը»

Ազրպէյճանի արտաքին գործոց նախարար Էլմար Մամետեարով յայտարարած է, որ Հայաստանի եւ Ազրպէյճանի արտաքին գործոց նախարարները պիտի հանդիպին Լա Հէյի մէջ:

Ըստ «Թրենտ» լրատու գործակալութեան, հանդիպումը տեղի պիտի ունենայ Լա Հէյի մէջ 24-25 մարտին նախատեսուած Հիւլէական անվտանգութեան հարցերով խորհրդաժողովին ընթացքին:



Ազրպէյճանի արտաքին գործոց նախարարը նաեւ նշած է, որ ԵԱՀԿ-ի Մինսքի խմբակը շրջան պիտի այցելէ ապրիլին:

«Մենք չենք կրնար յաւերժ բանակցիլ, պետք է սկսիլ խաղաղութեան մեծ համաձայնագիրի շուրջ քննարկումին», ըսած է Մամետեարով:

Լեռնային Ղարաբաղի Հանրապետության Խորհրդարանի Յայտարարությունը` Խրիմի Մեջ Տեղի Ունեցած Հանրաքուէին Մասին



Մարտի 16-ին Խրիմի ժողովուրդը համաժողովրդական հանրաքուէի միջոցով քուէարկեց իր ապագան ինքնուրոյն տնօրինելու օգտին:

Խրիմի կարգավիճակի հարցով հանրաքուէն, այդպիսով, դարձաւ ազգերի ինքնորոշման իրաւունքի իրացման եւս մէկ նախադէպ, որով հերթական անգամ հաստատուեց, որ միջազգային իրաւունքում պետութեան տարածքային ամբողջականութիւնը գերակայ չէ ժողովրդի ազատ կամարտայայտութեան նկատմամբ:

Լեռնային Ղարաբաղի Հանրապետութեան Ազգային ժողովի խմբակցութիւնները եւ պատգամաւորական խումբը ողջունում են Խրիմի ժողովրդին` պատմական հնարաւորութիւնը իրացնելու առթիւ:

Արցախի խորհրդարանի քաղաքական ուժերը եւ պատգամաւորական խումբը տեղին են համարում յիշեցնել, որ 1991 թուականի դեկտեմբերի 10-ին, առաջնորդուելով այդ պահին դեռեւս գործող Խորհրդային Միութեան օրէնսդրութեամբ եւ միջազգային իրաւունքի հիմնարար սկզբունքներով` Լեռնային Ղարաբաղի ժողովուրդն իրացրեց իր ինքնորոշման իրաւունքը եւ հանրաքուէի միջոցով իր վճռական խօսքն ասաց յօգուտ անկախ Լեռնային Ղարաբաղի Հանրապետութեան, ինչը վերահաստատուեց 2006 թուականի դեկտեմբերի 10-ի սահմանադրական հանրաքուէի արդիւնքներով:

Հաշուի առնելով անկախութեան հանրաքուէից յետոյ Ազրպէյճանի կողմից պարտադրուած պատերազմի, Լեռնային Ղարաբաղի Հանրապետութեան հետ յարաբերութիւնների կարգաւորումը ձգձգելու դառը փորձը` Արցախի Ազգային ժողովի խմբակցութիւնները եւ պատգամաւորական խումբը կոչ են անում ձեռնարկել հնարաւոր բոլոր միջոցները, որպէսզի Խրիմի Ինքնավար Հանրապետութիւնում տեղի ունեցած հանրաքուէից յետոյ ստեղծուած իրավիճակը կարգաւորուի բացարձակապէս խաղաղ միջոցներով, փոխադարձ յարգանքի հիման վրայ:

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹԵԱՆ
ԱԶԳԱՅԻՆ ԺՈՂՈՎԻ
«ԴԱՇՆԱԿՑՈՒԹԻՒՆ»
«ՀԱՅՐԵՆԻՔ»
«ԺՈՂՈՎՐԴԱՎԱՐՈՒԹԻՒՆ»
ԽՄԲԱԿՑՈՒԹԻՒՆՆԵՐ ԵՒ
«ԱՐՑԱԽԱՏՈՒՆ» ՊԱՏԳԱՄԱՐՈՐԱԿԱՆ ԽՈՒՄԲ

www.aztarar.com

ՄԻՋԱԶԳԱՅԻՆ

Ռուսամէտ Զինեալներ Գրաւեցին Մեւասթոփոլի Մէջ Գտնուող Ուքրանական Ծովուծի Ռազմակայանը



Ռուսամէտ գործիչներ Չորեքշաբթի օր գրաւեցին Մեւասթոփոլի մէջ գտնուող ուքրանական ծովուծի կեդրոնատեղին: Ուքրանական ծովուծի ղեկավար Սերհիյի Հայտուք ձերբակալուեցաւ եւ ուքրանական դրօշը կեդրոնէն վար առնուեցաւ: Անոր տեղ բարձրացուեցաւ ռուսական դրօշը: Կեդրոնի ուքրանական անձնակազմի բազմաթիւ անդամներ իրենց անձնական իրերով հեռացան գորանոցէն:

Շուրջ 200 անձեր զօրակայան ներխուժելով ներկայացան ուքրանական աւագ պատասխանատուներու հետ բանակցելու: Քիւր իր զինուորներուն հրամայեց տեղւոյն վրայ մնալ, սակայն շարք մը զինուորներ, ոմանք արցունքը աչքերուն, իրենց ապրանքները շալկած հեռացան կեդրոնէն: Այլ զինուորներ տակաւին կը գտնուին կեդրոնին մէջ եւ կը մերժեն անձնատուր ըլլալ: Աւելի ուշ, սակայն, Ուքրանիա որոշեց իր ուժերը հեռացնել Խրիմէն:

Ուքրանիոյ պաշտպանութեան նախարարութիւնը հաղորդեց, որ նոյնպիսի դէպք մը պատահած է Արեւմտեան Խրիմի մէջ գտնուող Նովո-Օզիոռն ծովուծի գորանոցին մէջ:

Ուքրանիոյ պաշտպանութեան նախարարի պաշտօնակատար Իհոր Թենիուխ եւ առաջին փոխվարչապետ Վիթալի Եարեմա Խրիմ մեկնեցան լարուածութիւնը վնասազերծելու համար, սակայն Խրիմի օդակայանի իշխանութիւնները չարտօնեցին, որ անոնք Խրիմ մուտք գործեն:

Մինչ Ռուսիոյ նախագահ Վլատիմիր Փութին Տումային փոխանցեց Խրիմի՝ Ռուսիոյ միացման շուրջ օրինագիծը, Ռուսիոյ սահմանադրական խորհուրդը յայտարարեց, որ Խրիմի՝ Ռուսիոյ միացման համաձայնագիրը ռուսական սահմանադրութեան համահունչ է: Ուքրանիան հրաժարեցաւ ԱՊՀ-ի նախագահութենէն: Աւելի ուշ, այդ երկիրը դուրս եկաւ ԱՊՀ-էն:

Քրեմլինի բանբեր Տիլթրի Փեսքով յայտարարեց. «Եթէ մեր գործընկերներէն մէկը միակողմանի կերպով պատժամիջոցներ հաստատէ, ապա մեր հետաքրքրութիւնը աշխարհի մէկ այլ բաժինին մէջ գտնուող գործընկերոջ մը վրայ պիտի կեդրոնացնենք: Աշխարհը միաբեւեռ չէ, ուստի տնտեսական այլ գործընկերներու վրայ պիտի կեդրոնանանք»:

Փեսքով ըսաւ, որ «Ռուսիոյ դէմ ամերիկեան հաւանական պատժամիջոցները անընդունելի են»՝ շեշտելով, որ «Ռուսիա պիտի շարունակէ տնտեսական գործակցութեան ձեռք երկարել Եւրոպական Միութեան»:

«Մենք կ'ուզենք Եւրոպական Միութեան ու Միացեալ Նահանգներու հետ տնտեսական լաւ յարաբերութիւններ պահել, եւ Եւրոպական Միութեան հետ ունինք տնտեսական յարաբերութիւններ, որոնք մեզի կը ստիպեն անոր հետ լաւ յարաբերութիւններ պահպանել»:

ՕԹԱՆ-ի ընդհանուր քարտուղար Անտերս Ֆոկ Ռասմուսեն երեքշաբթի օր Ռուսիոյ հասցէին սուր քննադատութիւն կատարած էր՝ ըսելով. «Խրիմի ճանաչումը անօրինական եւ

անթոյլատրելի է, եւ դաշինքի անդամ երկիրները չեն ընդունիր Խրիմի միացումը Ռուսիոյ՝ աւելցնելով, որ «Ռուսիան կանգնած է վտանգաւոր ուղիի վրայ»:

ՕԹԱՆ-ի մամլոյ ծառայութիւնը յայտնեց, որ դաշինքը մտադիր չէ զօրքեր մտցնել Ուքրանիա եւ կը պնդէ տագնապի խաղաղ լուծումին վրայ: ՕԹԱՆ Չորեքշաբթի օր երեկոյեան յայտարարեց, որ Ռուսիոյ քայլերը պաղ պատերազմի աւարտէն ետք Եւրոպայի ամենէն վտանգաւոր սպառնալիքն են:

ԿԻՎ. «Խրիմը Նոր Պաղ Պատերազմի Խթան Պիտի Հանդիսանայ»



«Արմէնփրես» լրատու գործակալութիւնը՝ վկայակոչելով թրքական «Այ.Էյդ.Էյ.» լրատու գործակալութիւնը, կը հաղորդէ, որ Թուրքիոյ նախագահ Ապտիլլա Կիլ Բովենհակընի մէջ յայտարարած է, որ Խրիմի մէջ ստեղծուած իրավիճակը նոր պաղ պատերազմի խթան պիտի հանդիսանայ: Ան նշած է, որ պաղ պատերազմի սկսելու պարագային ոչ մէկ կողմ օգուտ պիտի ստանայ:

Ըստ Միացեալ Նահանգներու Արտաքին Գործոց Նախարարութեան. Միացեալ Նահանգներու Մէջ Սուրիացի Դիւանագէտներու Աշխատանքներու Դադրեցումը Չի Նշանակեր Դիւանագիտական Ցարաբերութիւններու Խզում

Միացեալ Նահանգներու արտաքին գործոց նախարարութեան բանբեր Ճէյն Փսաքի յայտարարեց, որ «Ամերիկայի մէջ Սուրիոյ դեսպանատան պաշտօնէաները այլեւս որեւէ առանձնաշնորհում, անձեռնմխելիութիւն կամ պաշտպանութիւն չեն վայելեր»:

Փսաքի վստահեցուց, որ «Սուրիոյ հետ Միացեալ Նահանգներու դիւանագիտական յարաբերութիւնները կը շարունակուին՝ հակառակ սուրիական դեսպանատան եւ հիւպատոսարաններու աշխատանքի սառեցումը եւ դիւանագէտներէն ու պաշտօնատարներէն ամերիկեան հողերէն հեռանալ պահանջելը»: Ան ըսաւ, որ գոյութիւն ունի Միացեալ Նահանգներու հետ դիւանագիտական յարաբերութիւններ չունեցող միայն երեք երկիրներ, որոնք են՝ Սուրիան, Իրանը եւ Հիւսիսային Քորէան»:

Ան յիշեցուց, որ սուրիացի դիւանագէտներն ու անոնց ընտանիքները մինչեւ 31 մարտ պէտք է հեռանան ամերիկեան հողերէն, իսկ վարչական պաշտօնէաները՝ մինչեւ 30 ապրիլ:

Մոսկուա յայտարարեց, որ Ուաշինկթըն սուրիական դեսպանատունը փակելով «հրաժարեցաւ խաղաղութեան հովանաւորի իր դերակատարութենէն»:

www.armenianprelacykw.org

ԱՆՂՆԱԴԱՐՉ

Եղեռնի 100-ամեակին Ընդառաջ. Մահացողները Բազմացան, Ո՞ւր Են Ծնունդները

1915-ի օսմանեան պետութեան սարքած ճիւղային ցեղասպանութենէն հրաշքով փրկուած հայորդիներ կազմեցին ընտանեկան բոյներ, իրենց նոր գտած երկիրներուն մէջ: Ուր որ գացին, ջանացին պահել իրենց գոյութիւնը՝ սեւ աշխատանք կատարելով. նոր երկիրներու լեզուն չէին գիտեր: Հետզհետէ կրցան արտայայտուիլ, հասկնել եւ հասկցուիլ: Անոնք կարօտ էին լաւ սնունդի, կրթութեան, իրենց գիտցած արհեստները կիրարկելու քաջալերանքին: Հազիւ սենեակ մը, նոյնիսկ կէս սենեակ, անպաստ պայմաններ, մտածեցին նորահաս երիտասարդները պսակել, որպէսզի նահատակուած միլիոններուն փոխարէն՝ զաւակներ ծնին, ազգին թիւը բազմացնեն:

Աղքատ, չքաւոր, հազիւ չոր հացի մը վաստակով ապրող մեր ընտանիքները իմաստութիւնը ունեցան երիտասարդ ընտանիքներ կազմելու: Որբանոցներէն դուրս եկած դեռատի աղջիկներ ունեցան նոյնքան երիտասարդ փեսաներ, պսակուեցան առանց ինքնաշարժներու շքերթի (որովհետեւ մատի վրայ համրուող ինքնաշարժներ կային, ամէն երթողարձ՝ քալելով): Զունէին կարգին հարսանեկան զգեստ: Իրարմէ փոխ առնուած հարսանեաց հագուստներով պսակուեցան անոնք, նեղիկ բնակարաններու մէջ աշխարհ բերին 5-6 եւ աւելի զաւակներ: Մանուկներու մահերը շատ էին, որովհետեւ չունէին բժիշկի երթալու նիւթական կարողութիւն, ոչ ալ՝ ներկայ օրերուն համեմատական բուժարաններ, օգնութիւն եւ այլն: Մեռնող մանկան փոխարէն կը ծնէր յաջորդը: Այս իմաստուն հեռանկարով բազմացան մեր գաղութներու հայերը: Ամփոփ, հակիրճ ձեւով ծանօթացուցինք մասնաւորաբար լիբանանահայ մեր գաղութի յետեղեռնեան կազմաւորման տարիներու կեանքը, ընտանեկան կազմաւորումները եւ այլն:

Այսօր, երբ կը պատրաստուինք Ցեղասպանութեան 100-ամեակին, ինչպիսի գոհունակութեամբ պիտի ներկայանանք մեր նահատակներուն յիշատակը յաւերժացնելու պարտաւորութեան: Փա՛ռք Աստուծոյ, գաղութը ունեցաւ նեղ օրերուն հետեւող նաեւ լայն օրեր: Երբ ունեցանք կուշտ առօրեայ, պսակներ, հարսանիքներ կատարեցինք նորաձեւութիւններու հետեւողութեամբ, ունեցանք ճոխ, արքայական, իշխանական զգեստաւորում եւ հարսերու մինչեւ իսկ յանդուգն «գեղեցկութիւն», մոռցանք ընտանիք կազմելու նպատակը եւ գոհացանք մէկ կամ երկու զաւակ ընծայել ազգին: Փա՛ռք Աստուծոյ, ունեցանք մեր ազգային ճարտարութեամբ, մեր աշխատասիրութեամբ փայլուն դիրքերու հասած հայրենակիցներ, բայց միւս կողմէ՝ մոռցուեցաւ մեր թիւը աճեցնելու հրամայականը: Ինչո՞ւ...

Պատերազմ ապրեցանք, այո՛, բայց այս պատճառաբանութիւնը ընդունելի չենք նկատեր, որովհետեւ նոյնիսկ ոմբակոծումներու ժամանակաշրջանին պսակուողներ եղան: Ո՞ւր են անոնց զաւակները:

Բազմաթիւ են տնտեսական տագնապները պատճառաբանողները: Հապա՞ հարուստ դասակարգը: Ուրեմն ունեւորութեան եւ չունեւորութեան հարց չէ այս, այլ՝ չկամութեան, մայրանալու դժկամութեան: Անցնող սերունդին մայրերը աղքատ էին մեծաւ մասամբ, տան մէջ աշխատանք կը կատարէին, ձեռագործ կ'աշխատէին, կար կը կարէին, տնային պայմաններու մէջ փոքր եկամուտով կը գոհանային, օգտակար կ'ըլլային իրենց ամուսիններուն եւ ընտանեկան սրբութիւն կը պահէին հաւատարմաբար: Ուրեմն աղքատ պէտք էր մնայինք, որ մտածէինք զաւակ ծնանելու մասին: Կար ժամանակ մը, որ ժողովրդային կարգի անցած ասոյթ

մը կար. «Աղքատները շատ զաւակ կը բերեն»: Յստակ է, իրենք զիրենք «ամուլ» կարգած ունենոր դասակարգին է մեղքը...

Մեր շուրջը ամէն օր կը լսենք մահացողներու անուններ, տարեց կամ երիտասարդ: Հիւանդութիւնները, արկածները, մոլութիւնները բազմացած են, հետեւաբար սիրելիներ կը մահանան անժամանակ...

Այս իրողութիւնը կը հաստատէ անկումը մեր թիւին: Ո՞ր են նորածինները: Մեր մամուլը, մեր ռատիոնները լոյս կ'ընծայեն օրական քանի մը մահագոյ եւ կը ծանուցանեն բազմաթիւ անուններ մահացողներու: Զուր տեղ կ'ակնկալենք, որ մեզմէ յաւէտ բաժնուողներուն փոխարէն գոնէ կէս թիւով նորածիններու անուններ կարդայինք, լսէինք:

Մէկուկէս միլիոն նահատակ, 100 տարի ետք գործնապէս մոռացում՝ նոր զաւակներ ծնանելու: Ինչպէ՞ս պիտի շատնանք: Ո՞չ, Պարոյր Սեւակ, «Չենք շատանար» այս ընթացքով, այլ կը նուազինք թիւով, որովհետեւ մեր մայրերը եղած են ինքնասէր, կը հետեւին հաճոյանալու, իսկ մեր հայրերը ենթարկուած են ֆեմինիզմի նորագոյն պահանջներուն:

Ամէն ազգ կը պարծենայ իր թիւով, իր միլիոններով, մենք ալ կ'ափսոսանք նոյնիսկ մեր մէկ թիւին նուազումով: Որքան դիրացած են մահերը, մինչ Սուշեղ Իշխան թատրերկ մը ունի «Մեռնիլը որքան դժուար է» անունով... Ամէն ինչ կը նահանջէ: Կը նահանջենք լեզուով, բարքերով, ասանդութիւնները մոռնալով: Կը սիրահարինք օտար տղուն, օտար աղջկան, յետոյ՝ երթա՞ս բարով հայութիւն... Քիչ ժամանակ անց՝ ամուսնալուծում, եթէ մէկ հատիկ մը ծնած է, բա՛ւ է: Ողջ մնայ «Թռչնոց բոյնը», հոն կը խնամուին:

«Մայրերը կ'աշխատին»... Աշխատանքը հին օրերուն ալ կար, ըսինք՝ մեծ մասամբ տուններու մէջ, կը կատարէին այդ օրերուն յարմար գործեր: Այսօր համակարգիչ կայ, ֆէյսպուք եւ միւսները կան: Մանուկներու տարեդարձները ճաշարաններու մէջ կը տօնեն: Բջիջային գործիքներուն նորագոյնը պէտք է ունենալ: Բարեբախտութիւն կը նկատեն նոյնիսկ մէկ զաւակ ունենալը... Մայրը գործի կ'երթայ, շահած գումարէն կրնայ աղախինի մը տրամադրել: Ո՞ր մնաց մայրական կաթը, մայրական գուրգուրանքը...

Ունինք փափաքներ, երազանքներ սնուցանող հայորդիներ, որոնք կը բաղձան 100-ամեակին ստեղծել, աշխարհ բերել մէկուկէս միլիոն հայածին մանուկներ, ի յուշ նահատակաց: Երանի՛ թէ...

Այս նահանջը վայել չէ մեր ժողովուրդին: Համաշխարհայնացումի հետեւելով՝ ոչ թէ կ'աճի մեր թիւը, այլ կը ձուլուինք, կը կորսուինք:

Յո՞ւ երթաս հայ երիտասարդութիւն, հայ ժողովուրդ: «Մեն Վալանթայն» ալ տօնեցինք, բազմաթիւ էին մեր նոր սերունդին ընկեր-ընկերուհիները, բայց չարձանագրեցինք ոչ մէկ միացում, ոչ մէկ նշանդրէք...

Ի՞նչ կը մտածէ արդեօք Հայոց ցեղասպանութեան 100-ամեակի կեդրոնական մարմինը: Աստուած օգնէ ամէնուս...

ՇԱՀԱՆՂՈՒԽՏ

www.armenianprelacykw.org

ՅԱՅՏԱՐԱՐՈՒԹԻՒՆ

Հովանավորությամբ
Քուելթի եւ Շրջակայից Թեմի Կաթողիկոսական Փոխանորդ
Գերպ. Տ. Մասիս Ծ. Վրդ. Զօպույեանի
Կազմակերպությամբ
Ազգային Վարչության



«ԴԱՍԱԿԱՆ ԵՐԱԺՇՏՈՒԹԵԱՆ ԵՐԵԿՈՅ»

Մասնկացությամբ

Տիկին Հայկուհի Կիրակոսեան- Բազեանի (դաշնամուր)

Տիկին Լենա Տեմիրճեանի (վոկալիստ)

Պրն. Շանթ Դանիելեանի (ջութակ)

Տիկին Թամար Դանիելեան- Թեմամեանի (ջութակ)

Տեղի պիտի ունենայ

*Ուրբաթ, 28 Մարտ 2014ին, ժամը ճիշդ 7:00ին, دار الآثار الإسلامية
սրահին մէջ:*

*Հասցէ՝.- Պաղտատ փողոց, Ապտալլա Ալ Մալեմ դպրոցի կից:
Ուշադրութիւն.- փոքրիկներու մուտքը խստիւ արգիլուած է:*

ՀՈՎԻՒՆ ԶԱՅՆԸ

ԱՍՏՈՒԱԾԱՇՈՒՆՉ ՄԱՏԵԱՆԸ ԵՒ ԵՍ

(Մաս 2)

Սիրելի ընթերցող,

Մեծ Պահքի աղօթքներով, յոյսերով ու յոյզերով լեցուն այս օրերուն, անգամ մը եւս զղջումի ու ապաշխարութեան ոգիով կը հանդիպինք իրար, ամբողջացնելու համար նախորդ թիւով սկսած մեր խորհրդածութիւնները: Առաջին բաժնին մէջ մենք արծարծեցինք, թէ ինչպէ՞ս պետք է կարդալ Աստուածաշունչը, որպէսզի վայելենք անոր քաղցրութիւնը, ապա վստահութեամբ եւ հաւատքով ներշնչուելէ ետք ունեցանք Աստուծոյ հետ մեր առաջին **ՀԱՆԴԻՊՈՒՄ**, որպէս **ՀԱՆԴԻՊՈՒՄ՝ ՀՅՕՐ ԵՒ ԱՆԳԻՆ ԽՈՍՏՈՒՄՆԵՐՈՒ ՏԻՐՈՋ ՀԵՏ**: Այս բաժնին մէջ մենք երեք այլ **ՀԱՆԴԻՊՈՒՄ**-ներ ալ պիտի ունենանք. այսպէս՝

2. ՀԱՆԴԻՊՈՒՄ՝ ՀՅՕՐԻ ՏԻՐՈՋ ՀԵՏ, ՈՐ ԿԸ ԿԵՐԱԿՐԷ ԻՐ ՈՉԽԱՐՆԵՐԸ:

Աստուծոյ անունը կարելոր սնունդ է բոլոր հաւատացեալներուն: Առանց այդ սնունդին մարդ պիտի դառնայ հոգեւոր սննդակարօտ մը, որու պատճառով սատանային յարձակումներուն դէմ պարտութիւններու շարք մը պիտի ունենայ եւ արդիւնքը պիտի ըլլայ յանձնուիլ հին մարդու չար ցանկութիւններուն: «Որպէս հաւատքի նորածին մանուկներ՝ Աստուծոյ խօսքին, անխարդախ կաթին փափաքեցէ՛ք, որպէսզի անով աճիք եւ փրկութեան հասնիք» (Ա.Պետ.2.2): Աստուածաշունչը ինչպէս սկսնակներուն համար կենսական է, օգտակար է նաեւ չափահասներուն. «կարծր կերակուրը չափահասներուն համար է» (Եբր. 5.14), որովհետեւ առանց սնունդի պիտի կորսնցնեն իրենց Տիրոջ առաջին սիրոյ տաքութիւնը:

Երեմիա մարգարէն կ'ըսէ. «Ես քու խօսքերդ գտածիս պէս՝ զանոնք կերայ» (Երմ.15.16): Երբ այս համարին մասին խորհրդածութիւն կ'ընենք, կ'անդրադառնանք, որ Տիրոջ խօսքը կարդալը երբեք ծանր բեռ մը վերցնելու իմաստով պետք չէ առնուի, որ կ'ուզենք հապճեպով իր տեղը հասցնել եւ ազատիլ անոր ծանրութենէն, այսինքն բաժինը կարդանք եւ գիրքը գոցենք, մենք մեզ համոզելով, որ այսօր բաւարար կարդացինք, այլ այդ ընթերցումը պետք է նմանի Երեմիա մարգարէի ըսածին նման՝ ուտելու տառ առ տառ, բառ առ բառ, համար առ համար .. ապա թէ ոչ, անկէ սնունդ չենք կրնար առնել:

Եթէ ամէն օր բաւարար չափով Աստուածաշունչին հետ չես առանձնացած, հոգեւոր կեանքին մէջ պիտի մնաս մակերեսային, կեանքի դժուարութիւններուն դիմաց տկար եւ Տիրոջ համար քու վկայութիւնդ մարդոց առջեւ պիտի ըլլայ ոչ ազդու:

Դուն քեզի վարժեցող՝ ր համարները կարդալ մէկէ աւելի անգամ: Յաճախ Աստուծոյ խօսքին մէջ եղած յայտնութիւնը ուղղակի կամ ցայտուն չ'ըլլար: Հայր Եփրեմ Ասորիին իր խորհրդածութիւններուն մէջ կ'ըսէ.- «Իսկապէս ո՞վ է այն, ո՞վ Աստուած, որ կարողութիւնը ունի քու խօսքերէդ մէկուն ամբողջ արժէքը իմանայ եւ ըմբռնէ»:

Տերը կը հրաւիրէ քեզ, որ խորանաս եւ պրպտես գիրքերը «Քննեցէք Սուրբ Գիրքերը» (Յվհ.5.39), ինչպէս նաեւ բաղդատես իրար նման եղող համարները. «հոգեւոր ճշմարտութիւններ կը բացատրենք հոգեւոր մարդոց» (Ա.Կրն.2.13):

Յարատեւ կարդա՛, որ զօրութեամբ շարունակես կեանքդ, ինչպէս ամէն օր նիւթական սնունդի պէտք ունիս՝ առողջ մնալու համար, նոյնպէս ամէն օր ընթերցանութեան պէտքը ունիս, արթուն պահակութիւն ընելու համար: Թող որ նշանաբանդ ըլլայ "Ամէն օր ընթերցում եւ ընթերցում օրուան լաւագոյն ժամուն":

3. ՀԱՆԴԻՊՈՒՄ՝ ԱՍՏՈՒԾՈՅ ՍՐԲՈՒԹԵԱՆ ՀԵՏ, ՈՐ ԿԸ ՄԱՔՐԷ ԻՐ ԶԱՄԱԿՆԵՐԸ:

Գիտես, որ Աստուծոյ կամքը մեզ սրբութեան մէջ տեսնելն է, որ կարելի է իրագործել, երբ իր ուղղութեան հետեւինք եւ վստահինք իր ծրագրին, որ մեզ իր խօսքով սրբութեան մէջ պահելն է: Հետեւաբար թո՛ղ տուր, որ Աստուծոյ խօսքը դատէ սխալներդ եւ յայտնաբերէ պահուած յոռի, չար եւ խաբող սովորութիւններդ: Իսկ եթէ թող տուիր, որ Աստուծոյ խօսքը քննէ սրտիդ գաղտնիքները եւ դատէ քեզ, քննէ մտածումներդ եւ սրտիդ խորհուրդները (Եբր.4.12): այն ատեն պիտի նկատես սրտիդ մութ ու նենգ բաժինները եւ անդրադառնաս թէ ինչո՞ւ Տէրդ քեզ մերժած է. հետեւիր իր խորհուրդներուն եւ անմիջապէս պիտի մաքրէ քեզ: Աստուածաշունչի պատմութիւնները պիտի առաջնորդեն քեզի, որ յայտնաբերես սխալ եւ չար մտածումներդ, որպէսզի նաեւ գիտնաս թէ ի՞նչ շնորհք պիտի խնդրես, բժշկուելու համար ախտեդ կամ մոլութենեդ եւ ի՞նչ ուրախութիւն, որ մեր Տէրը բոլոր շնորհքներու Տէրն է. «Արդարութեան լոյսը եւ բժշկութիւնը իր թելերուն մէջ է» .. Ան կը բժշկէ մեզ մեր վերքերէն, որ կը բացայայտենք իր դիմաց ...

4. ՀԱՆԴԻՊՈՒՄ՝ ՀԱՅՐ ԱՍՏՈՒԾՈՅ ՀԵՏ, ՈՐ ԻՐ ՍՐՏԻ ԽՈՐ ԽՈՐԵՐԷՆ, ԹԵՉԻ ԵՐՁԱՆԿՈՒԹԻՒՆ ԿԸ ՊԱՐԳԵՒԷ:

Ինչպե՞ս կը գիտնամ Աստուծոյ խորհուրդները եւ փափաքները:

Աստուածաշունչը կ'ըսէ. «Զու խօսքդ իմ ոտքերուս ճրագ է ու իմ շաւիղներուս՝ լոյս» (Սղ.119.105), բայց այս մէկը չի կրնար իրականանալ, եթէ ես չունիմ այն հաւատքը, որ Սուրբ Հոգին ինքն է, որ «.. գիտէ Աստուծոյ նոյնիսկ ամենածածուկ ծրագիրները» (Ա.Կրնթ. 2.10): Սուրբ Հոգին ինքն է որ ընթերցանութեան վրայ գերիշխող է, ինքն է, որ մտքիս յատուկ լոյս եւ ճանաչողութիւն կու տայ: Այն ատեն պիտի գտնեմ բառերու խորիմաստ նպատակները, որոնք արտաքնապէս չեն ցոլացներ այդ մտքերը. եւ իրապէս մուտք կը գործեմ Աստուծոյ սրտին մէջ եւ կ'իմանամ իր խոր խորհուրդները, եւ օրէ օր ծանօթութիւնս կը զարգանայ եւ հետեւաբար կ'աճի սերս իրեն հանդէպ:

Ամէն անգամ երբ նոր պատմութիւն մը կարդամ, կամ նոր ուսուցում մը տեսնեմ, կամ նոր աղօթքի մը հանդիպիմ, Աստուծոյ մարդոց աղօթքներէն, նոր եւ հիանալի բան մը պիտի գտնեմ, որ զիս դէպի Հօր Ամենակալի սրտի խորերուն եւ Թագաւորութեան խորհուրդներուն պիտի առաջնորդէ՝ Սուրբ Հոգիով:

Ի՞նչ առանձնայատկութիւն է այս: Այս է իսկական երջանկութեան ճամբան, ինչպէս որ Երեմիա մարգարէն իր խօսքը շարունակելով կ'ըսէ. «Ես քու խօսքերդ գտածիս պէս գանոնք կերայ: Զու խօսքդ իմ սրտիս ցնծութիւն եւ ուրախութիւն եղաւ» (Երմ. 15.16): Ամէն:

ԳՈՐԾՆԱԿԱՆ ԹԵԼԱԳՐԱՆՔՆԵՐ

Ամէն անգամ երբ կ'առանձնանաս Աստուածաշունչին հետ, փորձէ գտնել հետեւեալ հարցումներուն պատասխանները.

- ✠ Արդեօք ընթերցուած բաժնին մէջ կա՞յ համար մը, որ սրտիս կը խօսի.
ուրեմն պէտք է, որ այդ համարը զոց սորվիմ եւ յաճախ արտասանեմ օրուան ընթացքին:
- ✠ Արդեօք ընթերցուած բաժնին մէջ կա՞յ համար մը, որ մեղքի մը կամ մոլութեան մը կ'ակնարկէ.
ուրեմն մեր Տէրը կոչ կ'ընէ , որ այդ մեղքին համար զոչամ եւ խոստովանիմ զայն:

- ✚ Արդեօք ընթերցուած բաժնին մէջ կա՞յ համար մը, որ Զրիստոսի կամ Անոր անձին կամ Անոր ճամբաներուն մասին կը խօսի, բան մը որ աւելի կը ծանօթացնէ Ձինք.
ուրեմն վատահ եղիր, որ այդ քեզ պիտի առաջնորդէ դէպի Զրիստոս եւ հաստատէ Անոր սիրոյ մէջ ու մնայուն լիութիւն տայ քեզի:
- ✚ Արդեօք ընթերցուած բաժնին մէջ կա՞յ համար մը, որ Զրիստոսի հետ իմ յարաբերութեանս կ'ակնարկէ՝ աղօթքի, պահեցողութեան կամ հաղորդութեան միջոցով.
ուրեմն պետք է վերաքննեմ իմ ընթացքս եւ հարց տամ, թէ ի՞նչ կը թելադրէ Տէրս, աղօթեմ եւ զօրութիւն խնդրեմ, որ իր փափաքը կատարեմ:
- ✚ Արդեօք ընթերցուած բաժնին մէջ կա՞յ համար մը, որ զիս կը զգուշացնէ ուշադիր եւ արթուն ըլլալու, կամ սկզբունք մը որ պետք է գործադրուի, կամ խոստում մը որ ուրախութեան պատճառ է եւ վատահութիւն կը ներշնչէ.
ուրեմն պետք է, որ աղօթեմ անոնց իրականացման համար:
- ✚ Արդեօք կա՞յ աղօթք մը, որ աղօթեմ ...

Մեր հոգեւոր հայրերը կ'ըսեն.
ԱՆ ՈՐ ԱՍՏՈՒԱԾԱՇՈՒՆՉԻՆ ԾԱՆՕԹ ՉԷ,
ՎԱՏԱՀԱՔԱՐ ԾԱՆՕԹ ՉԷ ՆԱԵՒ
ԻՐ ԱՐԱՐՉԻՆ, ՏԻՐՈՋ ԵՒ ՓՐԿՉԻՆ՝
ՅԻՍՈՒՄԻ ԶՐԻՍՏՈՍԻ

Պահեցողութեան լաւագոյն մաղթանքներով՝
Արքայ Բահանայ Բեհեմեան
Յերեւոյրութեամբ՝ Ղարի եկեղեցւոյ հոգեւոր գրականութեան:

**Սրբոց Վարդանանց եկեղեցւոյ
ՄԱՐՏ ամսուան Մումի բարերարն է
Յարգելի Ազգային մը:
Վարձքը կատար ազնիւ բարերարին:**

www.aztagdaily.com

ԿՆՈՋԱԿԱՆ

**8 Գործնական Միջոցներ
Ձեր Չափակները Պատկերասփիռին
Եւ Համակարգիչին Հետու Պահելու**

Յաճախ կը դժգոհիք, որ ձեր զաւակները պատկերասփիռին կամ համակարգիչին գերին դարձած են. սակայն արդեօք մտածած՞ էք զանոնք զբաղցնելու այլ միջոցներու մասին...



Ահաւասիկ հետաքրքրական եւ դիւրին միջոցներ անոնց ուշադրութիւնը շեղելու՝ աւելի հետաքրքրական զբաղում մը առաջարկելով անոնց:

1-Բացէք խոհագիրներու գիրքը եւ ձեր զաւակին հետ անուշեղէն մը կամ աղցան մը պատրաստեցէք, ապա ընտանեօք համտեսեցէք եւ գնահատեցէք անոր ճիգը:

*2-Ընտանեօք խաղ մը (բառխաղ, Մոնօփոլի, Ռիսք...)
խաղացէք: Ասիկա նաեւ լաւ առիթ մը կ'ըլլայ շփուելու եւ հաճելի ժամանակ անցընելու:*



3-Շարքաթը անգամ մը գրադարան այցելեցէք եւ ձեր զաւակին գիրք մը կամ թերթ մը գնեցէք: Թող իր փոքրիկ գրադարանը կազմէ եւ օրական կէս ժամ կարդայ՝ իր նախասիրած մէկ անկիւնը քաշուելով:

4-Երբեմն, երբ առիթը ներկայանայ, քաղաքէն դուրս ելէք, բնութեան մէջ պտըտեցէք եւ խաղացէ՛ք:

5-Ձեռային աշխատանք մը կազմակերպեցէք, ինչո՞ւ չէ, նաեւ՝ մօտիկ ընկերներ հրաւիրելով եւ ապա պզտիկ ցուցահանդէս մը կազմակերպելով:



6-Գիտական փորձ մը կազմակերպեցէք: Երեխաները կը սիրեն բաներ յայտնաբերել: Փորձերը կրնան ըլլալ անոնց գիտութեան դասերէն: Կարելի է նաեւ օրինակներ ճարել համացանցէն:

7-Լուսանկարչական գործիք մը գնեցէք եւ ամէն անգամ նիւթ մը ընտրեցէք եւ պահանջեցէք, որ անոր շուրջ 10 – 15 նկար նկարէ: Ապա զանոնք լաթակալներով ցուցադրեցէք իր սենեակին մէջ:

8-Օրինակ ծառայեցէք: Երեխաները կը սիրեն կապկել մեծերը: Եթէ դուք պատկերասփիռին առջեւ չգամուռիք եւ ուրիշ զբաղում գտնէք, ան շատ հաւանաբար ձեր օրինակին պիտի հետեւի:

Մարտ 21-ը Կը Համախմբէ Միջազգային Քանի Մը Տօներ

Այսօր Մարտ 21-ն է. եկէք՝ ծանօթանանք այս օրուան հետ կապուած միջազգային տօներուն:

- Այս օրը, ՄԱԿ-ի 1966 թուի որոշումով մարտ 21-ը կը նշուի որպէս ցեղային խտրականութեան դէմ պայքարի օր:

- ԵՈՒՆԵՍԿՕ-ի 1999 թուի որոշումով մարտ 21-ը կը նշուի որպէս բանաստեղծութեան օր: Առաջին անգամ տօնը նշուած է Փարիզի մէջ:



- Մարտ 21-ը կը նշուի որպէս երկրագունդի օր: Յատկանշական է, որ այս տօնը կը գուգադիպի գարնանային գիշերահաւասարի օրուան: Տօնին նպատակն է համախմբել երկրագունդի բարօրութեան համար պայքարող բոլոր յառաջադէմ ուժերը, ոգեւորել եւ քաջալերել անոնց պայքարը:

- Առողջապահութեան համաշխարհային կազմակերպութեան որոշումով, մարտ 21-ին կը նշուի քունի օրը:

- Մարտ 21-ը նաեւ անտառներու պաշտպանութեան միջազգային օր է:

- Մարտ 21-ը գարնանային գիշերահաւասարի օրն է: Հայերուն մօտ գիշերահաւասարի օրը կը համարուի նոր տարուան սկիզբը, իսկ նոր տարին նոյնպէս տօն է...

ԱՇՄԿԵՆՏԻՆ ԳՐԻՉԸ

Մայրիկիս

Իւրաքանչիւր մարդու ամենահարազատ բառը «Մայրն» է. եթէ մենք հնարաւորութիւն ունենայինք մեզի համար կրկին մայր ընտրելու, բոլորս ալ ընտրելու պիտի ըլլայինք մեր հարազատ մայրիկը, որովհետեւ իւրաքանչիւր մայր ամենէն գեղեցիկն է, ամենէն համեղ կերակուրներ պատրաստող խոհարարը, ամենէն արագ հասնող բժիշկը, ամենահմուտ դերձակը, լաւագոյն ուսուցիչը եւ ամենէն իմաստուն հանրագիտարանը:

Այսօր եւ ամէն օր կը յիշենք նաեւ մեր երկնաւոր մայրը՝ Սուրբ Կոյս Աստուածածինը, խնդրելով, որ իր սրտէն կաթիլ մը շնորհք պարգեւէ մեզի՝ պատանիներուս, եւ պահպանէ բոլորիս մայրերը, որպէսզի մինչեւ խոր ծերութիւն վայելեն իրնեց զաւակներու ներկայութիւնն ու ականատես ըլլան անոնց յաջողութեան:

Մերի Յարութիւնեան

Տրդ կարգ